

PWYLLGOR CRAFFU LLE

Hysbysiad o Benderfyniad – Cyfarfod o Bell, 20 Mai, 2025.

Mae'r Agenda ar [gael yma](#).

Mae recordiad y cyfarfod ar [gael yma](#).

Yn Bresennol: Y Cynghorydd S. Lloyd-Selby (Cadeirydd); Cynghorwyr G.M. Ball, C.E.A. Champion, P. Drake, V.P. Driscoll, A.M. Ernest, M.J. Hooper, C. Iannucci-Williams, J.M. Norman, E. Penn, I.A.N. Perry, C. Stallard a S.T. Wiliam.

Hefyd yn bresennol: M. Blackmore a K. Mitchell (Gweithgor Tenantiaid / Cynrychiolwyr Panel); Cynghorwyr G. Bruce, L. Burnett (Arweinydd Gweithredol ac Aelod Cabinet dros Berfformiad ac Adnoddau), J.E. Charles, W.A. Hennessy, G. John (Aelod Cabinet dros Hamdden, Chwaraeon a Lles), Dr. I.J. Johnson, B. Loveluck-Edwards, S.D. Perkes (Aelod Cabinet dros Dai Sector Cyhoeddus ac Ymgysylltu â Thenantiaid), E. Williams (Aelod Cabinet dros Gofal Cymdeithasol ac Iechyd) a M.R. Wilson (Aelod Cabinet dros Wasanaethau Cymdogaeth ac Adeilad).

EITEM AGENDA 1. PENODI IS-GADEIRYDD –

PENDERFYNWYD – Y Cynghorydd C. Iannucci-Williams yn cael ei benodi'n Is-gadeirydd am y flwyddyn Ddinesig.

EITEM AGENDA 2. YMDDIHEURIADAU AM ABSENOLDEB –

Derbyniwyd y rhain oddi wrth G. Doyle a G. Niblett (Gweithgor Tenantiaid / Cynrychiolwyr Panel) ac O. Carroll (Cynrychiolydd Cyngor ar Bopeth Caerdydd a'r Fro).

EITEM AGENDA 3. COFNODION CYFARFOD PWYLLGOR CRAFFU'R AMGYLCHEDD AC ADFYWIO A GYNHALIWYD AR 8 EBRILL, 2025 –

ARGYMHELLWYD – Cymeradwyo cofnodion y cyfarfod y Pwyllgor Craffu Amgylchedd ac Adfywio a gynhaliwyd ar 8 Ebrill, 2025 fel cofnod cywir.

EITEM AGENDA 4. DATGANIADAU BUDDIANT –

Ni dderbyniwyd unrhyw ddatganiadau buddiant.

EITEM AGENDA 5. HYSBYSIAD O GYNNIG – GWAHARDDIAD
GWIRFODDOL AR WERTHU A DEFNYDDIO "FLYING RINGS" LEDLED BRO
MORGANNWG (CYF) –

ARGYMHELLWYD – BOD swyddogion perthnasol y Cyngor yn cael y dasg o gael gwared ar yr Hysbysiad o Gynnig hwn ar Waharddiad Gwirfoddol ar Werthu a Defnyddio "Flying Rings" ledled Bro Morganwg, er mwyn mynd i'r afael â'r mater hwn gyda masnachwyr lleol, i helpu i gefnogi'r ymgyrch genedlaethol gysylltiedig gyda chyhoeddusrwydd lleol ychwanegol ac yna adrodd yn ôl i'r Pwyllgor ym mis Gorffennaf ynghylch pa gamau a gymerwyd i fynd i'r afael â'r mater hwn.

Rheswm dros yr argymhelliad

Yn dilyn ystyried y Cynnig a'r trafodaethau yn y cyfarfod, teimlai'r Pwyllgor fod y camau gweithredu a oedd yn cael eu cymryd ar hyn o bryd mewn perthynas â hyn a'r rhai a fyddai'n cael eu cymryd yn y dyfodol agos, yn ogystal â'r angen i fynd i'r afael â'r mater hwn yn ystod cyfnod yr haf, yn golygu, ynghyd â'r diffyg opsiynau gorfodi a'r awydd i wneud hyn mewn ffordd wirfoddol, gydsyniol, nad oedd y mater yn gwarantu Grŵp Gorchwyl a Gorffen. Yn hytrach, teimlai y byddai'n fwy effeithiol i swyddogion y Cyngor gymryd camau uniongyrchol nawr ac adrodd yn ôl ar y cynnydd a wneir i fynd i'r afael â'r mater hwn i'r Pwyllgor yn fuan.

EITEM AGENDA 6. CYNLLUN DATBLYGU LLEOL NEWYDD BRO
MORGANWG (CDLN) 2021-2036 – TWF TAI YN Y BARRI (CYF) –

ARGYMHELLWYD – BOD y sylwadau a'r adborth canlynol o gyfarfod y Pwyllgor yn cael eu darparu, fel rhan o'r ymarfer ymgynghori:

- Bod swyddogion y Cyngor, fel rhan o'r ymgynghoriad cyhoeddus, yn trafod gydag Asda y defnydd posibl o dir sy'n eiddo iddynt gerllaw'r safle datblygu tai arfaethedig yn Heol Neptune, Glannau'r Barri.
- Bod swyddogion y Cyngor yn cadarnhau a oedd unrhyw faterion hanesyddol a waharddodd ddefnyddio safle Croes Weycock pan ystyriwyd ef yn flaenorol fel safle datblygu tai posibl, ac os felly, a gafodd y rhain eu datrys wedi hynny.
- Bod y Cyngor yn nodi pryder y Pwyllgor hwn ynghylch y golled bosibl o safleoedd cyflogaeth. Fodd bynnag, mae'r Pwyllgor hefyd yn cydnabod bod angen cydbwysu ystyriaethau o'r fath â'r prinder tai presennol a bod swyddogion y Cyngor wedi cadarnhau nad oes unrhyw benderfyniadau pendant wedi'u gwneud eto ar y safleoedd hyn.
- Y byddai'n ddefnyddiol, fel rhan o'r ymgynghoriad / cynllun, pe bai manylion yn cael eu darparu ar hygyrchedd a phellteroedd cerdded i ac o Groes Weycock a'r safleoedd tai arfaethedig eraill, gan gynnwys i'r gorsafoedd a'r llwybrau bysiau / trên agosaf, yn ogystal â mynediad i'r lonydd beicio agosaf fel rhan o'r dull teithio llesol.
- Yn olaf, dylid ystyried pwysigrwydd cynaliadwyedd ar gyfer y datblygiadau hyn, o ran dyluniad, ansawdd adeiladu a'u hôl troed carbon, yn ogystal â darparu unrhyw wybodaeth y gellid ei rhannu fel rhan o'r broses ymgynghori mewn perthynas â'r materion hynny a fyddai hefyd yn ddefnyddiol.

Rheswm dros yr argymhelliad

Er mwyn cynnwys argymhelliad, sylwadau a barn y Pwyllgor yn y broses ymgynghori ar gyfer Cynllun Datblygu Lleol Newydd Bro Morgnwg (CDLN).

EITEM AGENDA 7. RHAGLEN WAITH YMLAEN 2025/26 (CAC) –

ARGYMHELLWYD –

(1) BOD y Pwyllgor wedi ystyried a chytuno ar eitemau ar gyfer ei Raglen Waith Ymlaen Llaw ar gyfer 2025/26 (Atodiad A i'r adroddiad), yn amodol ar gynnwys yr hepgoriadau a amlygwyd gan yr Aelodau yn y cyfarfod (megis yr Adolygiad Erydiad Arfordirol, Prifddinas-Ranbarth Caerdydd, ac ati) ac eglurhad ynghylch a fyddai adroddiadau o'r fath yn cael eu cyfeirio o'r Cabinet i'r Pwyllgor i'w craffu. Cytunwyd hefyd ar ffordd ymlaen ynghylch meysydd ar gyfer ymchwiliadau adolygiad Gorchwyl a Gorffen manwl, a oedd yn cynnwys ystyriaeth bellach ac ymgynghori ag Aelodau'r Pwyllgor ar y pynciau i'w dewis.

(2) BOD cylch gwaith y Pwyllgor Craffu Lle yn cael ei nodi.

Rhesymau dros yr argymhellion

(1) Cytuno ar yr eitemau a'r pynciau y byddai'r Pwyllgor Craffu Lle yn eu hystyried ar gyfer 2025/26.

(2) Nodi cylch gwaith y Pwyllgor Craffu Lle newydd.